

Funded by
UK Government



Wedi ei ariannu gan
Llywodraeth y DU

**CRONFA ALLWEDDOL CONWY’N
CEFNOGI BUSNESAU LLEOL
- GRANT EIDDO CANOL TREF**

Meini prawf a Chanllaw

This form is also available in English



ADRAN A – FFACTORAU ALLWEDDOL

Cyflwyniad:

Mae'r prosiect hwn wedi'i ariannu gan Lywodraeth y DU drwy Gronfa Ffyniant Gyffredin y DU.

Mae Cronfa Ffyniant Gyffredin y DU yn biler canolog o raglen Ffyniant Bro Llywodraeth y Du ac yn darparu £2.6 biliwn o arian ar gyfer buddsoddiad lleol erbyn Mawrth 2025. Mae'r Gronfa'n anelu at wella balchder mewn lle a chynyddu cyfleoedd bywyd ar draws y DU drwy fuddsoddi mewn cymunedau a llefydd, cefnogi busnesau lleol, a phobl a sgiliau. Am ragor o wybodaeth, ewch i

<https://www.gov.uk/government/publications/uk-shared-prosperity-fund-prospectus.cy>

Byddai'r gronfa'n cefnogi ein busnesau lleol (masnachol a chymdeithasol) gan gynnig grantiau ar gyfer gwella golwg allanol eiddo masnachol, adfywio canol ein trefi a diwygio eu golwg yn gyffredinol.

Byddwn yn ystyried prosiectau yn ôl diffiniad y Llywodraeth DU o dan Ymyrraeth Busnes W16

- Buddsoddi mewn marchnadoedd agored a gwelliannau i isadeiledd y sector manwerthu a gwasanaeth yng nghanol y dref, gyda chymorth estynedig i fusnesau bychan.

A chyflawni'r canlyniadau ac allbynnau canlynol

Canlyniadau

- Cynyddu swm buddsoddiadau

Allbynnau

- Nifer yr adeiladau masnachol sydd wedi'u cwblhau neu'u gwella
- Maint y gofod masnachol sydd wedi'i gwblhau neu'i wella

Mae'r cynllun wedi'i dargedu at fentrau bach a chanolig (sy'n cyflogi hyd at 250 o bobl) gydag un ai trosiant o lai na €50 miliwn neu fantolen lai na €43 miliwn.

Mae'r cynllun yn cynnig cyllid o HYD AT 80% ar wariant cyfalaf ar gyfer prosiectau, gyda dyfarniadau o £3,000 hyd at £15,000 yn cael eu cynnig.

Dylid nodi hefyd mai isafswm cost eitem unigol yw £100.

Mae'r cynllun grant uwch hwn yn ddewisol a bydd yn cael ei weithredu ar sail

gyntaf i'r felin yn dibynnu ar argaeledd arian a'r gallu i gwblhau'r prosiect o fewn yr amserlen fanwl.

Bydd yr holl gynigion o gyllid yn amodol ar gymeradwyaeth gan Banel Adolygu Grantiau o'r ceisiadau. Mae hwn yn grant dewisol lle bydd penderfyniad y Panel Adolygu'n un terfynol. Nid oes proses apelio.

Bydd dyddiad cau ceisiadau am grant ym mis Medi 2024 neu ar amser lle fydd y gronfa wedi'i ymrwymo'n gyfan gwbl, os yw'n gynt.

Wedi cadarnhau'r dyfarniad bydd yn rhaid i'r holl gynigion fod wedi'u derbyn a'r arian wedi'i hawlio erbyn 1 Tachwedd 2024 fan bellaf.

Ni fydd estyniad i'r dyddiad cau yma. Fel cronfa amser cyfyngedig (gyfan gwbl neu'n rhannol) daw pob dyfarniad na hawlir i ben yn awtomatig.

Ffactorau Cymhwyster

Mae'r cynllun wedi'i dargedu at fentrau bach a chanolig (sy'n cyflogi hyd at 250 o bobl) gyda *naill ai* trosiant o lai na €50 miliwn *neu* fantolen lai €43 miliwn.

Er mwyn bod yn gymwys i dderbyn cymorth buddsoddi, mae'n rhaid i fusnesau gael eu lleoli yn Sir Conwy, wedi bod yn masnachu dros 6 mis ac wedi cofrestru gyda CaThEF.

Mae'r Grant yn cynnig cefnogaeth i feddianwyr a pherchnogion adeiladau manwerthu a masnachol i wella blaen adeiladau.

Mi fydd yn ofynnol i ddeiliaid prydles i ddarparu tystiolaeth o ganiatâd ysgrifenedig eu landlord ar gyfer y gwaith arfaethedig.

Gwaith Cymwys:

Prosiectau sy'n cynnwys (ond heb fod yn gyfyngedig i)

- Blaen siopau gan gynnwys gwelliannau strwythurol mân a chosmetig
- Gwella ffenestri arddangos
- Gwella arwyddion
- Ffenestri a drysau ar gyfer prosiectau mawr
- Goleuadau allanol
- Landeri a phibellau dŵr
- Rendro, glanhau ac atgyweirio cerrig, ail-bwyntio

Gwaith / Adeiladau nad ydynt yn denu cymorth grant

- Gwaith mewnol
- Ni ellir defnyddio'r grant ar gyfer eiddo sy'n cynnig llety dros nos e.e. fflatiau, gwestai, Airbnb, llety gwely a brecwast ac ati.
- Nid yw gwaith i ddarparu / gwella eiddo ar gyfer eiddo preswyl yn gymwys
- Ni ellir defnyddio'r grant ar gyfer eiddo sy'n cefnogi'r sectorau Gamblo, Tybaco, Cynhyrchu Arfau a Bwledi neu unrhyw sectorau sy'n arwain at effaith sylweddol ar yr amgylchedd neu sy'n foesegol neu'n foesol ddadleuol.
- Gweithgareddau sydd eisoes wedi dechrau (ni ellir prynu nac archebu eitemau cyn cymeradwyo'r grant).
- Gwaith neu brosiectau i gyflawni gofynion statudol.
- Ceisiadau ar gyfer defnyddiau yn unig lle mae'r perchennog / preswylwr yn ymgymryd â'r gwaith ei hun, oni bai eu bod yn sefydledig yn y maes masnachu perthnasol.

Oherwydd amserlen fyrdymor y grant, mewn achosion lle mae caniatâd cynllunio, adeilad rhestredig / Cadwraeth yn y broses ond heb ei dderbyn eto, gellir ystyried ceisiadau ond byddai unrhyw gynnig cyllid yn amodol ar dderbyn y cymeradwyaethau / caniatâd perthnasol.

Ffactorau Hanfodol i'w Nodi

Dyfyniadau

Amcangyfrifon/dyfnbrisiau gwreiddiol ar gyfer eitemau/ gwaith prosiect (2 dyfnbris eitem ar gyfer eitemau/ gwaith sy'n dod at £10,000, 3 dyfnbris eitem ar gyfer unrhyw eitem/ gwaith sy'n fwy na £10,000).

Disgwyliwn y bydd y gwaith yn cael eu cwblhau gan fasnachwr neu gwmni sefydledig addas.

Dylai'r dyfnbrisiau ddilyn yr un templed a, lle bo hynny'n berthnasol, dylid eu rhannu er mwyn dangos costau elfennau gwaith unigol e.e. costau offer / llafur / costau gosod.

Prynant Arian Parod

Ni thelir unrhyw gyllid lle ymgwymerwyd â thrafodion arian parod.

Pryniant gyda chardiau credyd

Lle gwnaed taliadau gyda chardiau credyd, bydd angen tystiolaeth bod taliadau llawn wedi'u gwneud i gwmni'r cerdyn credyd.

Ôl-weithredu

Ni thelir unrhyw gyllid ar unrhyw wariant a wneir cyn y dyddiad y cadarnhawyd y caniatâd.

Mae ein holl gyllid ar sail talu h.y. rhaid i'r hawlydd wario'r arian yn gyntaf ac yna maent yn hawlio'r swm a gytunwyd yn ôl fel y nodwyd yn y llythyr cynnig grant.

ADRAN B – PROSES GRANTIAU

Gwneud Cais

Cais Llawn

Mae'n bwysig sicrhau bod eich ffurflen gais wedi'i llenwi'n iawn a bod yr holl ddogfennaeth ategol yn cael ei chynnwys ar adeg ei chyflwyno. Mae hyn yn cynnwys:

- Cyfrifon blynyddol diweddaraf
- Cadarnhad o gyllid cyfatebol, naill ai trwy gyflwyno'r uchod, cyfriflen cyfrif cynilion, neu gytundeb benthyciad
- Cadarnhad o'r Caniatâd Cynllunio, Cadwraeth a / neu'r Rheoliadau Adeiladu (os yn berthnasol)
- Prawf o berchnogaeth/ prydles yn ogystal â chaniatâd y landlord
- Amcangyfrifon / dyfynbrisiau gwreiddiol ar gyfer y prosiect
- Holl Ofynion Cyfreithiol Statudol ar gyfer y Busnes (os yw'n berthnasol)
- Cadarnhad cofrestru gyda Chyllid a Thollau EM
- Ffotograffau o ardaloedd perthnasol yr adeilad cyn i'r gwaith cael eu hymgydryd

**Os nad yw'r busnes wedi bod yn masnachu yn ddigon hir i gyfrifon fod ar gael, bydd angen o leiaf 3 mis o ddatganiadau banc i ddangos tystiolaeth o fasnachu*

Gwneir penderfyniadau ar geisiadau yn seiliedig ar y wybodaeth a ddarperir yn y ffurflen gais, tystiolaeth gysylltiedig a gwiriadau gwybodaeth.

Efallai y bydd angen tystiolaeth ychwanegol i gefnogi cais.

Os bydd unrhyw ddata yn anghyflawn neu'n anghywir neu os yw'r dystiolaeth a ddarperir yn annigonol, byddwn yn cysylltu â chi.

Gallai methiant i gydymffurfio oedi'r penderfyniad; ni fyddwn yn prosesu unrhyw geisiadau anghyflawn.

Fe'ch atgoffir ar hyn o bryd i beidio ag ymgymryd ag unrhyw waith neu wariant ar y prosiect a ariennir gan grant nes bod penderfyniad ffurfiol wedi'i wneud ar y cais a'ch bod wedi cael cadarnhad ysgrifenedig o hyn.

Lle gofynnir i chi wneud hynny, darparwch gymaint o wybodaeth â phosibl i egluro'r prosiect, a'r gwaith yr ydych yn bwriadu ymgymryd

Yn benodol, dylech chi fod yn ymwybodol o'r canlynol:

- **Ni thelir unrhyw gyllid ar wariant ôl-weithredol**
- **Ni delir unrhyw arian ble talwyd ag arian parod**

CYMORTH GWLADWRIAETHOL/ RHEOLI CYMHORTHDAL

Bydd y grantiau yn cael eu dyfarnu dan Gymorth Ariannol Lleiaf (MFA) Mae Cymorth Ariannol Lleiaf (MFA) yn caniatáu awdurdodau cyhoeddus i ddyfarnu cymorthdaliadau gwerth isel (hyd at £315,000)

Ni ellir rhoi MFA ychwanegol i fuddiolwr sydd wedi cyrraedd eu trothwy MFA yn barod.

Fel rhan o'r broses cais, bydd arnoch angen:

- Datgan eich dealltwriaeth bod y cyllid a gynigir yn gymorthdal dan MFA
- Datgan trothwy MFA a nodwyd yn adran 36(1) y Ddeddf yn fwy na'r fenter sy'n derbyn y cymorth arfaethedig.

Wrth wneud eich datganiad, dylech ystyried bod holl gymhorthdal (gan gynnwys grantiau) a ddaeth i law drwy'r cynlluniau canlynol yn ystod y 3 blynedd ariannol flaenorol.

De Minimis, 'Special Drawing Rights' (SDR), De Minimis y DU, 'Small Amounts of Financial Assistance' (SAFA, yr enw presennol), Small Amounts of Funding Exemption (SAFE) a 'Minimal Financial Assistance' (MFA).

Gallai enghreifftiau gynnwys grantiau cysylltiedig Ardrethi Annomestig, Cronfa Cadernid Economaidd, Grant Cychwyn, Cronfa Gweithwyr Llawrydd, Cronfa Awdurdod Lleol yn ôl Disgresiwn, Grant Cymorth i Fusnesau Conwy.

Prosesu Eich Cais

Ar ôl cael eich ffurflen gais lawn bydd y Cyngor yn: -

- Gwirio eich bod wedi darparu'r holl wybodaeth angenrheidiol, a bod yr holl fanylion a ddarperir mewn trefn ac os na, yn rhoi gwybod i chi pa wybodaeth bellach sy'n ofynnol.
- fel rhan o'r broses ymgeisio mi fydd gan CBSC hawl i ymweld â'r safle
- Cyfeirio'r cais at y Panel Grantiau ar gyfer gwneud penderfyniad. *Bydd pob cais yn cael ei ystyried ar deilyngdod, ac yn unol â nodau ac amcanion y cynllun, ac yn ddibynnol ar fod arian ar gael.*

Rhoi gwybod am y penderfyniad

Cewch wybod ar ffurf e-bost beth fydd y penderfyniad. Os byddwch yn llwyddiannus fe'ch hysbysir o'r swm a gynigir ac unrhyw amodau penodol sy'n ymwneud â'r dyfarniad. Wedi'i atodi i'r llythyr bydd y contract 'Telerau ac Amodau' y bydd yn rhaid i chi gadw ato. Rhaid *llofnodi a dychwelyd y ddogfen hon o fewn 28 diwrnod o gael y cynnig cyllid.*

Hawlio

Ni fyddem yn prosesu hawliadau cyn derbyn yr holl ddogfennaeth ategol, e.e telerau ac amodau arwyddedig, tystiolaeth o ganiatâd cynllunio, adeilad rhestredig / cadwraeth ayyb.

Fel arfer byddwn yn gwneud hyn mewn 1 rhandaliad yn ddibynnol ar y prosiect a'i broffil gwario.

Yn dilyn cadarnhad o ddyfarniad bydd rhaid derbyn holl gynigion ac wedi'u tynnu dim hwyrach na 1af Tachwedd 2024.

Fel cronfa amser cyfyngedig, bydd yr holl gynigion grant (yn gyfan gwbl neu'n rhannol) na chawsant eu tynnu yn unol â'r uchod yn dod i ben yn awtomatig.

Wrth gyflwyno hawliad, bydd angen prawf o wariant. Rhaid i hyn gynnwys:

- Pob cyfrif / anfoneb berthnasol (*rhaid i anfonebau beidio â chynnwys dyddiad sy'n bellach yn ôl na dyddiad y llythyr / contract cynnig wedi'i lofnodi a'i dychwelyd*).
- Bydd hefyd angen copïau o gyfriflenni banc cyfatebol yn dangos y taliadau yn mynd allan o gyfrifon y cwmni. Lle gwnaed taliadau gyda chardiau credyd, bydd angen tystiolaeth bod taliadau llawn wedi'u gwneud i gwmni'r cerdyn credyd.

Ni dderbynnir unrhyw drafodion arian parod fel rhan o hawliad.

Bydd y Cyngor yn penderfynu a fydd y gweithgaredd y dyfarnwyd y cyllid ar ei gyfer (gwaith a wnaed neu bryniannau a wnaed) wedi'i gyflawni'n llawn, yn unol â'r cynnig a wnaed yn y cais, ac unrhyw amodau sydd ynghlwm i'r gymeradwyaeth. Gellir gwneud hyn drwy archwiliad neu unrhyw ffordd arall a bennir gan y Cyngor.

Nid yw Cyngor Bwrdeistref Sirol Conwy na'i swyddogion, neu'r asiantau sy'n gweithredu ar ei ran, yn gyfrifol am unrhyw grefftwaith gwael ac nid ydynt yn darparu unrhyw warant. Ni ellir rhyddhau unrhyw gwariant heb i'r Cyngor cytuno bod y safonau yma wedi eu cyflawni.

Pan fydd yr uchod i gyd wedi'i gwblhau, bydd y Cyngor yn rhyddhau'r cyllid i'ch Cyfrif Banc Busnes drwy daliad BACS.

Monitro ar ôl Dyfarniad

Yn ystod y cyfnod cydymffurfio â chyllid 3 blynedd, gall y Cyngor, neu ei asiantau, ymweld â'ch safle er mwyn cynnal archwiliad monitro o'r eiddo.

Am 3 mlynedd ar ôl dyddiad talu'r grant mae'n rhaid i'r ymgeisydd gadw'r eiddo a'r gwaith a dalwyd amdano gyda chymorth grant mewn cyflwr da.

Bydd rhaid i bob ymgeisydd llwyddiannus gymryd rhan mewn adolygiad monitro yn ôl y gofyn.

Mae'r awdurdod lleol / Llywodraeth Cymru yn cadw'r hawl i osod arwydd parhaol/dros dro ar yr eiddo, mewn lleoliad i'w gytuno rhwng yr awdurdod lleol a'r ymgeisydd, sy'n datgan y cymorth a roddwyd ar gyfer y gwaith. Bydd yr arwydd/baner yn cael ei ddarparu gan CBSC ar ei gost ei hun.

Manylion Cyswllt

 <p>CONWY CYNGOR BWRDEISTREF SIROL COUNTY BOROUGH COUNCIL</p>	<p>Cymorth i Fusnesau Conwy business@conwy.gov.uk 01492 574574</p>